

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
KANTONALNO TUŽILAŠTVO  
KANTONA SARAJEVO  
Broj: T09 0 KTRZ 0031516 12  
Sarajevo, 05.04.2012. godine**

**KANTONALNOM SUDU U SARAJEVU  
-Sudiji za prethodno saslušanje-  
S A R A J E V O**

Na osnovu člana 45. stav 2. tačka i), člana 241. i člana 242. stav 1. ZKP-a F BiH, **p o d i ž e m**

### **O P T U Ź N I C U**

**Protiv:**

**BOLJAK RANKA** (1953.) iz Sarajeva, nastanjen na području općine Istočna Ilidža

**Što je:**

**Za vrijeme rata i oružanog sukoba u Bosni i Hercegovini između Vojske Republike Srpske (VRS) i Armije Bosne i Hercegovine na području Ilidže, u svojstvu pripadnika Ilidžanske brigade VRS, postupao protivno odredbama člana 3. Ženevske konvencije o zaštiti građanskih osoba za vrijeme rata od 12.08.1949. godine i člana 75. stav 2. Dopunskog protokola I uz Ženevske konvencije od 12.08.1949. godine o zaštiti žrtava međunarodnih oružanih sukoba, tako što je:**

U jesen 1993. godine, tačno neutvrdenog dana u večernjim satima, zajedno sa još dva NN vojnika pripadnika VRS, uniformisani i naoružani automatskim puškama, pri čemu su ova dva NN vojnika nosili na glavama kape sa prorezima za oči-fantomke, samoinicijativno došao u stan S.K. u ulici ... broj ....., naselje Lužani,

općina Ilidža u Sarajevu u kojem je stanovao sa suprugom V.K. da bi odmah po ulasku na ulazna vrata stana Boljak Ranko prislonio cijev automatske puške ispod brade S.K. i tako ga prislio da hoda unatraske do dnevnog boravka stana, gdje ga je natjerao da sjedne na stolicu za trpezarijski stol i naredio da mu preda snajpersku pušku, govoreći mu da zna sve o njemu, optužujući ga da je izrađivao snajperske puške i da je iz svog stana snajperom ubijao Srbe na području Ilidže, da bi mu potom prijetio da će ga odvesti i ubiti, pa kada mu je S.K. rekao da nema pušku i da mu je oružje koje je imao oduzeto uz potvrdu od strane policije Republike Srpske, Boljak Ranko ga je oborio na pod i iz vojničke čizme izvadio nož, povukao ga za kosu te mu oštricu noža stavio pod grlo, da bi u jednom trenutku V.K. koja se nalazila na gornjoj etaži stana iskoristila nepažnju jednog od NN vonika koji je čuvao te istrčala iz stana i pozvala komšije u pomoć koji su došli i zaštitili supružnike K., pa su nakon izvjesnog vremena Boljak Ranko i ova dva NN vojnika izašli iz stana, a prethodno mu je jedan od NN vojnika prislonio cijev puške na čelo rekavši mu da se ovaj put izvukao i zaprijetio da će mu slijedećeg puta doći glave.

**Dakle**, kršeći pravila Medunarodnog prava za vrijeme rata i oružanog sukoba nečovječno postupao i namjerno nanosio drugoj osobi snažni tjelesni i duševni bol.

**Čime je** počinio krivično djelo Ratni zločin protiv civilnog stanovništva iz člana 173. stav 1. tačka c), a sve u vezi sa članom 180. stav 1. Krivičnog zakona Bosne i Hercegovine.